

kvæmt lögum. Ef brot veldur skemmdum á eignum rafveitunnar, skal hinn brotlegi þess utan bæta skaðann.

Sektir renna í ríkissjóð.

109
20. júní

22. gr.

Málsókn.

Með mál út af brotum á reglugerð þessari eða á reglugerðum, sem settar eru samkvæmt henni, skal farið sem almenn lögreglumál.

23. gr.

Reglugerð þessi, sem er sett samkvæmt vatnalögum, nr. 15 20. júní 1923 og raforkulögum, nr. 12 2. apríl 1946, staðfestist hér með til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Atvinnumálaráðuneytið, 20. júní 1951.

Hermann Jónasson.

Porv. K. Þorsteinsson.

S A M Þ Y K K T

fyrir Ræktunarsamband Eyfellinga og Mýrdæla.

110
25. júní

I. KAFLI

Takmörk samþykkarsvæðis og markmið.

1. gr.

Samþykkarsvæðið nær yfir félagssvæði eftirgreindra hreppabúnaðarféлага: Búnaðarfélag Merkurþéja, Búnaðarfélag Austur-Eyjafjalla, Búnaðarfélag Dyrhóla-hrepps og Búnaðarfélag Hvammshrepps. Nafn félagsins er Ræktunarsamband Eyfellinga og Mýrdæla.

2. gr.

Ræktunarsambandið tekur að sér á þann hátt, sem fyrir er mælt í samþykkt þessari, eftirgreind verkefni á öllum jörðum á samþykkarsvæðinu að undanskildum þeim, er falla undir IV. kafla jarðræktarlaga nr. 45 17. maí 1950, um húferlaflutning:

1. Að ræsa fram land til túnræktar, garðræktar, beitiræktar og engjaræktar. Tekur framkvæmd verksins til fullnaðar framræslu á landinu að opnum skurðum, svo og lokræsum, þar sem þess er þörf.
2. Að framkvæma jarðvinnslu á túnnum jarða á samþykkarsvæðinu, sem ekki eru véltæk. Nær það til plægingar, herfingar og jöfnunar landsins.
3. Að taka að sér jarðvinnslu til nýræktar túna eða garða. Nær það til fullnaðarvinnslu landsins á sama hátt og gert er ráð fyrir undir lið 2.
4. Að framkvæma sléttun engja, svo þær verði véltækar, hvort heldur það er gert með völtun, vinnslu lands, flóðgarðahleðslu eða öðrum aðferðum eftir fyrirsögn hlutaðeigandi héraðsráðunautar.

Allar framkvæmdir samkvæmt liðunum 1—4 skulu gerðar eftir fyrirsögn héraðsráðunautar Búnaðarsambands Suðurlands í jarðrækt eða ráðunauta Búnaðarfélags Íslands.

110
25. júní

II. KAFLI

Skipun og verkvið framkvæmdastjórnar.

3. gr.

Hvert búnaðarfélag kýs árlega 3 menn í fulltrúaráð fyrir ræktunarsambandið. Fulltrúaráðið kýs formann sambandsins til eins árs, óbundinni leynilegri kosningu, án tillits til búsetu. Fulltrúar hvers búnaðarfélags tilnefna einn mann í stjórn sambandsins til eins árs í senn, fyrir sitt búnaðarfélag.

Formann og stjórnarnefndarmenn má endurkjósa.

4. gr.

Formaður boðar til allra funda og stýrir þeim. Hann annast allar skriftir fyrir sambandið, reikningshald, skýrslugerðir og fjárreiður aðrar en innheimtur. Hinir stjórnarnefndarmennirnir annast innheimtu alla, hver í sínum hreppi, og gera annað það, er sambandið þarfnast og formaður krefst.

5. gr.

Stjórn ræktunarsambandsins annast kaup á nauðsynlegum vélum og verkfærum til skurða- og lokræsagerðar, svo og á jarðvinnsluvélum, en skylt er henni, sbr. 8. gr. laga um jarðræktar- og húsagerðarsamþykktir í sveitum, að hafa samráð við Vélanevnd ríkisins um kaup og val á vélum.

6. gr.

Stjórnin sér um kaup á öllu því, er með þarf til reksturs og viðhalds þeim vélum og áhöldum, er keypt verða. Henni ber að hafa þau tryggð fyrir fjárhæð, er svarar til verðgildis þessara eigna, eins og þær eru á hverjum tíma.

7. gr.

Stjórninni ber að gera og undirrita alla verktökusamninga við hina einstöku framkvæmdaaðila á félagssvæðinu, og ákveður á hvaða tíma og í hvaða röð verkefnin eru tekin, sem unnið skal að.

8. gr.

Stjórnin ræður starfsmenn og ákveður launakjör þeirra. Heimilt er stjórninni að ráða framkvæmdastjóra til eins árs í senn. Getur hún með erindisbréfi falið honum framkvæmdastjórn um daglegan rekstur og umsjón með verkstjórn vinnuflokka.

9. gr.

Allir samningar, sem stjórnin og framkvæmdastjóri gera fyrir hönd ræktunarsambandsins, samkvæmt samþykktum þessum eða ályktunum hinna árlegu aðalfunda sambandsins, eru skuldbindandi fyrir félagsheildina og hreppabúnaðarfélögin, er að samþykkt standa, án þess það hafi verið sérstaklega undir þá borið. Stjórn og framkvæmdastjóri bera ábyrgð gerða sinna fyrir aðalfundi ræktunarsambandsins.

III. KAFLI

Um tilhögun framkvæmda.

10. gr.

Skylt er stjórnnum hreppabúnaðarfélaganna, hverri á sínu svæði, fyrir janúarlök ár hvert, að skrá verkbeiðnir félagsmanna. Skal þar tilgreint, hverjar jarðbætur óskað er, að unnar séu á því ári, svo og verkmagn þeirra. Skýrslum þessum ber að skila til framkvæmdastjórnar eigi síðar en 1. febrúar ár hvert.

Skýrslunni fylgi frá verkkaupendum greiðsluskuldbinding hvers fyrir sig og 110
enn fremur yfirlýsing félagsstjórnar hreppabúnaðarfélagsins, að það takist á hendur 25. júní
ábyrgð á greiðslum sinna félagsmanna fyrir þau verk, sem hjá þeim verða unnin á
því starfsári.

11. gr.

Að fengnum þeim skýrslum, er um ræðir í 10. gr., ber framkvæmdastjóra ræktunarsambandsins að semja starfs- og rekstursáætlun fyrir yfirstandandi ár. Rísi ágreiningur innan stjórnar ræktunarsambandsins um veigamikil atriði framkvæmdaáætlunar, ber að leggja hana fyrir aðalfund ræktunarsambandsins til samþykktar.

Framkvæmdastjórn er skylt að framfylgja samþykkttri starfsáætlun eftir því, sem við verður komið.

12. gr.

Við undirbúning framkvæmdaáætlunar sé þess sérstaklega gætt:

1. Að jarðir þær, sem minnst véltækt land hafa, sitji fyrir vinnu eftir því, sem við verður komið, án þess að valda óhæfilegum aukakostnaði í flutningi véla og verkfæra.
2. Að túnasléttun, að öðru jöfnu, sé látin sitja fyrir öðrum ræktunarframkvæmdum.
3. Að land það, sem brjóta á til ræktunar, hafi verið ræst fram á fullnægjandi hátt, að dómi héraðsráðunautar.
4. Að framræsla bithaga í stærri stíl komi að jafnaði því aðeins til greina, að fullnægt hafi verið framræsluverkefnum vegna tún-, garða- og engjaræktar á þann hátt, að það tefji eigi jarðvinnsluna, svo því marki verði náð, að allur hefyngur verði tekinn á vélfæru landi.

IV. KAFLI

Um verðlagsákvæðanir og greiðslu kostnaðar.

13. gr.

1. Kostnaður við framkvæmdir, er í samþykkt þessari getur, greiðist á eftirgreindan hátt. Sameiginleg framræsla fleiri jarða greiðist af þeim, er hags njóta af framkvæmdunum, eftir flatarmáli þess lands, er nýtur hags af verkinu.

Þó skal tekið tillit til, ef um einhverja sérstöðu er að ræða, Ef ágreiningur verður um þessi atriði, skal úr honum skorið með hagnaðarmati tveggja óvilhallra dómkvaddra manna.

2. Framkvæmdir á einstökum jörðum skulu greiðast af verkkaupanda eftir þeim skildaga og á þann hátt, sem fram verður tekið í verktökusamningi.

Heimilt er stjórn ræktunarsambandsins að láta greiðslur fara fram eftir áætlunum verktöxtum, meðan verkið stendur yfir ár hvert, en fullnaðarreikningsskil séu byggð á kostnaðarverði, eins og það verður samkvæmt rekstrarreikningi hvers árs. Áætlaðir verktaxtar séu miðaðir við tímaeiningu.

14. gr.

Til reksturskostnaðar telst: Greiðsla vinnulauna, allur reksturskostnaður véla og greiðslur fyrningargjalds af þeim, kostnaður við flutning milli vinnustaða, geymsla og viðhald véla, er stafar af eðlilegu sliti þeirra, vaxtagreiðsla, kostnaður við verkstjórn og stjórnarkostnaður. Heimilt er framkvæmdastjórn að ákveða og leggja á framkvæmdakostnað áhættuþóknun, er nemi allt að 5% af heildarkostnaði hvers árs.

110
25. júní

15. gr.
Aðalfundur ræktunarsambandsins getur heimilað framkvæmdastjórn að taka ákveðin verk, sem tilgreind eru í 2. gr. þessarar samþykktar í ákvæðisvinnu, enda sé lögð fyrir aðalfund kostnaðaráætlun og verklýsing af því, sem vinna á.

16. gr.

Heimilt er framkvæmdastjórn á þeim tíma, sem ekki er unnt að vinna að skurðgrefti, lokræsagerð eða jarðvinnslu fyrir samþykktaraðila, að taka að sér verkefni fyrir búendur, hreppsfélög eða aðra aðila á félagssvæðinu eða ríkið, þó þau falli ekki undir ákvæði 2. gr., ef tryggt er, að það sé hagkvæmt fyrir ræktunarsambandið, enda sé tryggt, að vélakostur sé ekki festur við þessi störf, svo það brjóti í bága við hagsmuni félagsmanna.

17. gr.

Rekstursafgangur af áhættuþóknun svo og ef ágóði verður af ákvæðisvinnu eða þeim verkum, er um getur í 16. gr., skal leggjast í stofnsjóð ræktunarsambandsins, og varið samkvæmt ákvæðum þeim, er um hann gilda, sbr. 18. gr.

V. KAFLI

Fjáröflun og tryggingar.

18. gr.

Ræktunarsambandið myndar stofnsjóð til vélakaupa. Stofnfjárhæð hans má vera kr. 270 000.00 — tvö hundruð og sjötíu þúsund krónur —.

Stofnfé og tekjur stofnsjóðs eru:

1. Hreppabúnaðarfélögin leggja fram sem óafturkræft framlag 17 þús. krónur hvert félag á ræktunarsamþykktarsvæðinu.
2. Hinn hluta stofnfjárins tekur ræktunarsambandið að láni, ef með þarf, eða aflar fjárins á annan hátt, með tryggingum í eignum félagsins eða með öðrum þeim tryggingum, er lánsstofnun sú, er lánið veitir, tekur gildar.
3. Auk þess leggjast í stofnsjóð árlegar tekjur þær, sem inn kunna að koma samkvæmt ákvæðum 17. og 28. gr.

Móti þessu stofnfé kemur framlag framkvæmdasjóðs ríkisins, samkv. ákvæðum 9. gr. laga um jarðræktar- og húsagerðarsamþykktir í sveitum, jafnóðum og það greiðist sem framlag til vélakaupa jarðræktarsambandsins.

19. gr.

Stofnfjárframlag hreppabúnaðarfélaganna greiðist inn til ræktunarsambandsstjórnar, þá er samþykkt þessi hefur öðlzt gildi.

20. gr.

Komi í ljós síðar, að álitu framkvæmdastjórnar, að auka þurfi stofnsjóð, ber henni að gera rökstuddar tillögur um stofnfjáraukningu til hreppabúnaðarfélaganna fyrir aðalfund þeirra.

Ef meiri hluti fulltrúa á aðalfundi ræktunarsambandsins, að fengnu meiri hluta samþykki í hreppabúnaðarfélagunum, ákveða stofnfjáraukningu, er hún bindandi fyrir hreppabúnaðarfélögin.

21. gr.

Heimilt er framkvæmdastjórn að taka rekstrarlán gegn tryggingu í þeim jarðræktarstyrk, er á umbæturnar verður greiddur úr ríkissjóði, samkv. ákvæðum II. kafla jarðræktarlaga.

22. gr.

Skýlt er félagsaðilum að hafa greitt til framkvæmdastjórnar $\frac{3}{4}$ af áætluðu kostnaðarverði, að fráðregnu væntanlegu jarðabótaframlagi ríkisins til þeirrar vinnu, er þeir hafa óskað eftir, áður en verkið er hafið. Eftirstöðvarnar greiðast með gjalddaga, er verktökusamningur ákveður.

110

25. júní

VI. KAFLI

Um reikningsskil og endurskoðun.

23. gr.

Reikningsár félagsins er almanaksárið, og skal reikningsskilum lokið svo tím- anlega, að endurskoðun geti farið fram, áður en aðalfundur ræktunarsambandsins er haldinn. Skulu endurskoðendur sannprófa, að reikningum beri saman við bækur framkvæmdastjórnar. Aðalfundur skal halda fyrir lok marzmánaðar ár hvert.

24. gr.

Endurskoðendur séu tveir, kosnir á aðalfundi ræktunarsambandsins til eins árs í senn. Þeir skulu kynna sér reikningana sem bezt og hafa eftirlit með starf- rækslu framkvæmdastjórnar í hvívetna.

25. gr.

Endurskoðaðir reikningar skulu lagðir fram til samþykktar á aðalfundi rækt- unarsambandsins. Þar gefur framkvæmdarstjóri skýrslu um starfsemina, svo og endurskoðendur, ef tilefni er til þess.

VII. KAFLI

Um breytingar samþykktar og hvernig samþykkt verði úr gildi felld.

26. gr.

Tillögur, er fram kunna að koma til breytinga á samþykkt þessari frá einstökum hreppabúnaðarfélagum eða framkvæmdastjórn, skulu lagðar fyrir aðalfund rækt- unarsambandsins.

Samþykki löglegur aðalfundur breytingarnar með að minnsta kosti $\frac{3}{5}$ atkvæðis- bærra fulltrúa, skal stjórn sambandsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

Um aukningu stofnfjár skal leita samþykkis hinna einstöku búnaðarfélaga, er að samþykkt standa, sbr. 20. gr.

27. gr.

Samþykkt þessa má því aðeins nema úr gildi, að rökstutt álit meiri hluta sam- þykktaraðila liggi fyrir um það, að tilgangi samþykktar verði ekki náð, og lögmætur aðalfundur ræktunarsambandsins samþykki það með að minnsta kosti $\frac{3}{5}$ atkvæðis- bærra fundarmanna, enda komi samþykki landbúnaðarráðherra til.

28. gr.

Með brot á samþykkt þessari skal farið sem almenn lögreglumál.

29. gr.

Samþykkt þessi öðlast gildi, er hún hefur verið staðfest af landbúnaðarráðherra.

Samþykkt þessi er sett samkv. lögum nr. 7 12. jan. 1945, um jarðræktar- og húsagerðarsamþykktir í sveitum, og reglugerð um jarðræktarsamþykktir frá 20.

110 febr. 1946, og birtist til eftirbreytni öllum þeim, sem hlut eiga að máli. Jafnframt er 25. júní úr gildi felld jarðræktarsamþykkt nr. 113 19. júlí 1946 fyrir hreppabúnaðarfélagin undir Eyjafjöllum.

Landbúnaðarráðuneytið, 25. júní 1951.

Hermann Jónasson.

Árni G. Eylands.

111

29. júní

AUGLÝSING

um að reiðhjól með hjálparvélum skuli undanþegin ákvæðum bifreiðalaganna.

Samkvæmt heimild í 3. mgr. 1. gr. bifreiðalaga, nr. 23 16. júní 1941, og með samþykki fjármálaráðuneytisins, hefur ráðuneytið úrskurðað að reiðhjól með hjálparvélum allt að 1 hestafli skuli undanþegin ákvæðum bifreiðalaganna, en öll bifhjól og reiðhjól með hjálparvélum, 1 hestafs eða stærri, skuli háð ákvæðum bifreiðalaganna. Reiðhjól með hjálparvél telst sérhvert tvíhjóla og þríhjóla ökutæki, sem hefur sérstök tæki til að knýja hjólið áfram með mannlegri orku auk vélarinnar.

Þau af tækjum þessum, sem samkvæmt framanrituðu falla undir ákvæði bifreiðalaganna eru skráningarskyld, gjaldskyld og tryggingarskyld sem bifreiðar, en þau tæki, sem falla utan ákvæða bifreiðalaganna, ekki.

Í dómsmálaráðuneytinu, 29. júní 1951.

Bjarni Benediktsson.

Sigurgeir Jónsson.

112

29. júní

REGLUGERÐ

um skrásetningu reiðhjóla með hjálparvél undir einu hestafli.

1. gr.

Öll reiðhjól með hjálparvélum undir einu hestafli, skulu skrásetjast af lögreglustjóra í umdæmi því, sem eigandi reiðhjólsins býr í.

2. gr.

Á hverju slíku reiðhjóli skulu vera skrásetningarmerki framan og aftan á hjólinu. Skrásetningarmerkin skulu vera með rauðum stöfum á hvítum grunni.

Hæð stafa skal vera 4 cm. Einkennisbókstafir skulu vera hinir sömu og fyrir bifreiðar, en númer skulu hefjast á tölunni 1 í hverju umdæmi.

3. gr.

Lögreglustjórinn í Reykjavík sér um tilbúning skrásetningarmerkja fyrir reiðhjól og annast dreifingu til annarra umdæma. Skrásetningarmerkin skulu seld fyrir kostnaðarverði, að viðbætti hæfilegri álagningu vegna afgreiðslu og dreifingarkostnaðar, eftir nánari ákvörðun dómsmálaráðuneytisins.

4. gr.

Fyrir skrásetningu samkvæmt reglugerð þessari skal greiða 100 króna gjald til ríkissjóðs og annast lögreglustjórar innheimtu þess.